




PROCESVERBAL

Nga mbledhja e jashtëzakonshme e Kuvendit Komunal të Rahovecit, e mbajtur më **17.7.2023** (e hënë), me fillim në orën **14:15**. Mbledhjen e kryesoi anëtari më i vjetër prezent i Kuvendit, zt. Sejfullah Sejfullahu.

Kryesuesi: Fillimisht, përshëndetje për të gjithë! Të nderuar anëtarë të Kuvendit Komunal, kryetar i komunës, zt. Smajl Latifi, drejtorë të drejtorive komunale, zyrtarë, përfaqësues të mediave, të nderuar qytetarë të Komunës së Rahovecit, kjo është një seancë e jashtëzakonshme e thirrur nga shumica e kuvendarëve. Për këtë mbledhje është propozuar një pikë e rendit të ditës.



REND DITE

1. Zgjedhja e Kryesuesit të Kuvendit të Komunës së Rahovecit.

Kryesuesi – Fillimisht sipas rregullores duhet të shihet nëse ka kuorim.

Skender Hamza – Atëherë përshëndetje për të gjithë, në momentin që ju thërras me emër, pjesëmarrjen tuaj e konfirmoni me një gritje të dorës. Konfirmohet që prezent janë 20 anëtarë të kuvendit.

Defrim Kafexhiu – Faleminderit udhëheqës i seancës, Sejfullah. Përshëndetje për të gjithë, kryetar, nënkryetar, drejtorë. Në vërejtje e vogël që së pari duhet të përfundoj diskutimi për pikën e rendit të ditës dhe më pas dhe gjithësesi faleminderit për mundësinë e sjalës. Dua të njoftoj çdo anëtarë të kuvendit dhe ekzekutivin që sipas njohurive të mia që është shkelje e procedurës që të merret një vendim tjetër, që e gjuan poshtë një vendim ende të pa dërguar në MAPL. Çdo vendim i kuvendit sipas legjislacionit në fuqi dërgohet për shqyrtim në MAPL, pastaj ata e kanë afatin 15 ditë për shqyrtim. Kjo nguti është e panevojshme sepse vullneti i shumicës respektohet sikur sot sikur pas 15 ditë. Ju thërras të mos bëjmë shkelje ligjore në procesin e zgjedhjes së kryesuesit pa e pasur ligjshmërinë e aktit të po të njëjtin kuvend pak ditë më parë.

Sinan Kryeziu – Konsideroj që nuk mund të ndalet ekzekutimi për shkak të ligjshmërisë të MAPL-së. Mund ta fusim në votim ligjërisht dhe nëse ka shkelje procedurale mund të kthehet në shfuqizim.

Isak Hoti – Të nderuar të pranishëm, sot po flasim për një mbledhje të jashtëzakonshme dhe jemi në përputhje me zhvillimin e procedurave sipas nenit 6 të udhëzimit administrativ 02/2015 për mbajtjen e mbledhjeve të kuvendit të komunës dhe pas konsultave që i kemi bërë me MAPL-në.

Kryesuesi – Ftoj partitë politike që të propozojnë nga një anëtarë për komision verifikues!

Hasan Përboqi – E propozojmë asambleistin Feriz Thaqin.

LVV – Nuk ka propozim.

LDK – Nuk ka propozim.

Armir Vuqitërna – PDK propozon Melinda Iskën.

Hasan Përboqi – Propozojmë gjithashtu asambleistin, Valmir Gashi.

Kryesuesi – I lus anëtarët e komisionit që të vendosen në vendin e tyre.

Hasan Përboqi – Atëherë në emër të 16 asamblesitëve nënshkrues për thirrjen e kësaj seance të jashtëzakonshme e cila ka vetëm një pikë të rendit të ditës, pra zgjedhjen e kryesuesit të kuvendit komunal. Para jush më lejoni të paraqes kandidatin tonë për kryesues pas shumë konsultave të bëra. Asambleisti ynë, Arbër Zenuni është kandidat

për kryesues i cili plotëson në plotni kushtet për të qenë në këtë pozitë. Arbri ka shumë për t'i dhënë kuvendit duke u bazuar në përgatitjen e tij profesionale.

Kryesuesi – Faleminderit! Pra, nga Aleanca kemi si propozim, Arbër Haxhi Zenunin, nga LVV nuk ka, nga LDK nuk ka propozim, nga PDK?...

Armir Vuçitërna – PDK, nuk ka propozim.

Kryesuesi – Atëherë derisa Sekretaria t'i bëjë gati punët, vazhdojmë me pauzë...

Kryesuesi – Përhëndetje përsëri, një nga një do t'ju thërras me emra për votim... Ftoj komisionin për kumtimin e rezultateve.

Feriz Thaqi – Atëherë përhëndetje për të gjithë! I nderuar udhëheqës i seancës, i nderuar kryetar, nënkryetar, asambleistë. Komisioni konstaton se prezentë kanë qenë 18 asamblesitë, gjithashtu 18 fletëvotime kanë qenë në kutinë e votimit. Një fletëvotim është i pavotuar, 17 fletëvotime janë të votuara dhe 17 prej tyre janë "pro".

Arbër Zenuni – Përhëndetje për të gjithë! Ju falënderoj për votëbesimin të gjithëve. Të nderuar anëtarë të zgjedhur të kuvendit komunal të Rahovecit, i nderuar kryetar i komunës, nënkryetar, i nderuar kryesues i seancës zt. Sejfullahu, ju falënderoj për mbarëvajtjen e procesit. I nderuar ish kryesues, Defrim Kafexhiu, dua të të falënderoj për mbajtjen e seancave për gjatë dy viteve. Të nderuar qytetarë të komunës së Rahovecit, e nderuara familja ime, i nderuar subjekt i Aleancës. Zgjedhja ime në krye të këtij institucioni është një nder i madh për mua, duke mos harrur edhe përgjegjësitë që më presin. I vetëdijshëm për punën e madhe që na pret, jam i gatshëm të punoj me të gjitha subjektet politike përfaqësuese në kuvend pa dallime. Do të jem brenda kornizave ligjore dhe akteve normative, statutit të komunës dhe rregullores së kuvendit. Bashkërisht mund të arrijmë suksese të dukshme, duke bërë përpjekje maksimale në përmirësimin e jetës së qytetarëve. Prioritet do të jetë funksionimi më i mirë i mundshëm i kuvendit me dinamikë të re dhe transparencë të plotë. Faleminderit.

Procesmbajtësi:


Albion Krasniqi

